

न॒को॒तव॒ इति॑ ध्वजं॒ प्रति॑मुञ्चति । यश॑ ए॒वैनं॑ रा॒ज्ञां
गम॑यति । जी॒मूत॑स्येव भवति॒ प्रती॑क॒मित्या॑ह । यथा
य॒जुरे॒वैतत् । ये ते॒ पन्थानः॑ स॒वितः॑ पू॒र्व्यास॒ इत्य॑ध्व॒र्यु-
र्यज॑मानं वाचयत्यभिजित्यै ॥ ३ ॥

परा॒ वा ए॒तस्य॑ य॒ज्ञ ए॒ति । यस्य॑ प॒शुरु॒पाक॑तोऽन्य॒च
वेद्या॑ एति । ए॒तः स्तो॑तरे॒तेन॑ प॒था पुन॑रश्व॒माव॑र्त्तया-
सि न॒ इत्या॑ह । वा॒युर्वै॑ स्तो॒ता । वा॒युमे॒वास्य॑ पर॒स्ता-
ह॒धात्या॑वृत्यै । यथा॒ वै ह॒विषो॑ गृही॒तस्य॑ स्कन्दति । एवं
वा ए॒तद॑श्वस्य स्कन्दति । यद॑स्योपाकृतस्य॒ लोमा॑नि
शी॒यन्ते । यद्वा॒लेषु॑ का॒चाना॑वयन्ति । लो॒मान्ये॒वास्य॑
तत्स॑म्भरन्ति ॥ ४ ॥

भूर्भु॒वः सुव॑रिति प्राजाप॒त्याभि॑रावयन्ति । प्राजा-
प॒त्यो वा अ॒श्वः । स्वयै॒वैनं॑ दे॒वत॑या सम॒र्द्धय॑न्ति । भू-
रिति॑ महि॒षी । भुव॒ इति॑ वा वा॒ता । सुव॑रिति परि-
वृ॒त्ती । ए॒षां लो॒काना॑मभिजित्यै । हि॒र॒ण्य॒याः का॒चा
भ॑वन्ति । ज्योति॒र्वै हि॒र॒ण्यम् । रा॒ष्ट्रम॑श्वमे॒धः ॥ ५ ॥

ज्योति॒श्चैवा॒स्मै रा॒ष्ट्रञ्च॑ स॒मीची॑ दधाति । स॒हस्रं॑
भ॑वन्ति । स॒हस्र॑सं॒मितः॑ सुव॒र्गा लो॒कः । सुव॒र्गस्य॑ लो॒-
कस्या॑भिजित्यै । अप॒ वा ए॒तस्मा॑त्तेज इन्द्रि॒यं प॒शवः॑ श्रीः